

卷一百三十九



書名 杜氏通典二百卷 嘉靖十八年西樵方獻夫刊本
 撰者 唐 杜佑 撰, 明 王德益、吳鵬 同校
 卷 卷一百三十九
 內容分類 史 政書 歷代通制
 索書號 貴重-17
 編號 B3510400

杜氏通典卷第二十五

職官七

諸卿 總論諸卿

奉禮郎 主簿 博士 太祝 兩京郊社署

太樂署 鼓吹署 太醫署 太公廟等署

太卜 廩犧 汾祠 太官署 珍羞署

良醞署 主簿 掌醢署 太器署 左右都侯

丞 守宮署 主簿 武庫署 令 武器署

丞 諸陵署 主簿 崇玄署 諸牧監 典廩署

正 典牧署 主簿 乘黃署 諸牧監 典廩署

司直 丞 評事 監 獄丞

[彩色首頁1](#)

[東洋文化研究所漢籍目錄 編號: B3510400](#)

[東洋文化研究所漢籍目錄所藏漢籍善本文影像資料庫 索書號: 貴重-17](#)

[漢籍善本文影像資料庫文本杜氏通典二百卷 嘉靖十八年西樵方獻夫刊本](#)


[版權所有: 東京大學 東洋文化研究所](#)

[使用上的注意事項](#)

東京大学東洋文化研究所

第二十七册

No. 4008



不 許 複 製

NOT TO BE REPRODUCED

東京大学東洋文化研究所



杜氏通典卷第一百三十九

禮九十九

凶六 大 唐 開 元 禮 三 十 四 纂 類 三 十 四

三品以上喪中

四品以下至庶人附

將葬陳車位

陳器用

進引

引輜

輜在庭位

祖奠

輜出升車

遣奠

遣車

器行序

諸孝從柩車序

郭門親賓歸

諸孝乘車

宿止

宿處哭位

行次奠

親賓致贈

塋次

到墓

陳明器

下柩哭序

入墓

墓中置器序

掩壙

祭后土

及哭

虞祭

卒哭祭

小祥祭

大祥祭

禫祭

祔廟

將塋陳車位

啓日之夕納柩車於大門之內當門南向進靈車於柩車之內右外所乘之車陳於大門外大夫之車門西婦人之車門東俱服重者在上以近門及北方爲上女子子妻妾之車以木爲之不漆飾無者以遽蔭夜車以蒲纏轅轂若白土堊之以麤布爲幌幪周及大功之車以白土堊之或遽蔭皆以布爲幌幪其布如堂事者服布也先於宿所張吉凶帳幕凶帷在西吉帷在東俱南向

設靈座於吉帷下如常式

陳器用

啓之夕發引前五刻槌一鼓爲一嚴

無鼓者量陳布時而行

吉凶儀杖方相

黃金四百爲方相六品以下設嚙頭之車嚙頭兩目也

誌石大

棺車及明器以下陳於柩車之前一品引四披六鐸

左右各八黼翬二黻翬二畫翬二

二品三品引二披四鐸左右各六黻翬二畫翬二六品以下引二披二鐸畫翬各二唯無黼翬

翬二畫翬二六品以下引二披二鐸畫翬各二唯無黼翬

翬二畫翬二六品以下引二披二鐸畫翬各二唯無黼翬

翬二畫翬二六品以下引二披二鐸畫翬各二唯無黼翬

翬二畫翬二六品以下引二披二鐸畫翬各二唯無黼翬

進引

通典卷之三

二刻頃槌二鼓爲一嚴六品以下無鼓嚴掌饌者徹啓奠以

出初徹奠內外俱興立哭於位執紼者皆入掌事徹

帷持翼者升以翼障柩執紼者升執鐸者入夾西階

立執纛者入當西階南北面立六品以下無纛下皆准此掌事者

取重出倚於門外之東執旌者立於執纛南北面諸

披排鐸旌纛翼者皆布深衣介幘六品以下但執旌者立於西階南北面餘皆同陳布將訖

槌三鼓爲三嚴進靈車於內門外南向祝以腰輿詣

靈座前內喪則婦人執腰輿祝於輿左西向跪昭告曰孤子某

母云謹用吉辰奉歸先寢若新卜宅云奉遷幽宅靈

車就引神道紆回惟以荒寥無任鯁絕興立少頃腰

輿出降自西階羽儀六品以下云威儀從者如平生詣靈車

後少頃輿退

引盾四品以下舉引車柩下皆如此

將引輅輅即輅車執鐸者俱振鐸引輅降就階間南向初

輅動及進止執鐸者皆振鐸每振者先搖之搖訖三

振之其持翼者常以翼障於輅降階執纛者却行而

引輅止則廻北面立執旗者亦漸而南輅止廻北面

立主人以下以次從輅而降主婦又次其後降

輅在庭位

輅至庭庭內先施席以居柩主人及諸子以下立哭於輅東西

向南上祖父以下立哭於輅東北南向西上異姓之

丈夫立哭於主人東南西面北上婦人以次從降妻

妾女子子以下立哭於輜西東南上祖母以下立哭於輜西北南向東上異姓之婦人立哭於主婦西南東面北上內外之際障以行帷此帷用如服布國官立哭於執紼者東南北面西上六品以下無國官也僚佐立哭於執紼者西南北面東上

祖奠

庭位既定祝帥執紼者設祖奠於輜東如大歛之儀祝酌奠訖進饌南北面跪曰永遷之禮虛辰不留謹奉柩車式遵祖道尚饗少頃徹之

輜出升車

執披者執前後披執紼者引輜出四品以下無輜車動旌

先壽次主人以下從立於輜車後婦人次哭於後輜出到輜車執紼者解紼屬於輜車四品以下唯柩出到輜車餘同設帷障於輜車後執紼執披者如常遂升柩內外哭位如在庭之儀

遣奠

既升柩祝與執饌者設遣奠於柩東如奠之儀祝酌奠於饌前少頃徹之

遣車

既遣奠掌事者以蒲葦苞牲體下節七苞四品五品二苞以繩束之盛以盤載於車列旌前

器行序

徹遣奠靈車動從者如常鼓吹振作而行六品以下無鼓吹

去靈車後次方相車六品以下次誌石車次大棺車

次輜車誌石與大棺若先設者不入次明器輿次下

帳輿次米輿五穀米實以五簋各次酒脯醢輿酒實

各五升罍用功布醢實於次苞牲輿次食輿食盤椀

二甕各二升罍用疏布次苞牲輿食輿真自足

方相以下駕士馭士昇明器下帳等入次銘旌次燹

皆介憤深衣六品以下次銘旌次燹

次鐸鐸分次輜車

諸孝從柩車序

主人及諸子俱經杖褰服禿者衰徒跣哭從諸丈夫

婦人各依服精麤以次而從哭出門內外尊行者皆

乘車馬哭不絕聲

郭門親賓歸

出郭若親賓送者權停柩車內外尊行者皆下車馬

依服之麤細為序立哭如式相者引親賓以次就柩

車之左向柩立哭盡哀卑者再拜而退婦人亦如之

諸孝乘車

親賓既還外乘車馬若墓遠及病不堪步者雖無親

坐二百步皆下

宿止

靈車到帷門外迴南向進腰輿於靈車從威儀從者

加常少頃輿入詣靈座前少頃降出遂進常食於靈

座若食頃徹之每至停宿之所於室柩車到入凶帷

停於西廂南轅祝設几席於柩車東

宿處哭位

初至宿處內外皆就柩車所主人及諸子以下於柩車之東西面南上妻妾女子子婦入於柩車之西東面南上祖父以下柩車東北南面西上異族有服者於柩車東南西面北上祖母以下於柩車西北南面東上異姓婦人又於柩車西南東面北上國官於帷外柩之東北面西上僚佐於柩之西北面東上俱立哭

行次奠

凡停宿進酒脯之奠於柩東如朝奠之儀既設奠內外各還次迭哭不絕聲及夕內外就柩車所哭進夕奠如朝奠之儀訖迭哭如常厥明又就位哭進朝奠亦如之若食頃徹之吉凶儀仗式發引內外從哭如初儀

親賓致賵

賓有賵禮在主人設祖奠之時賓立於大門外西廂東面從者以篚奉玄纁立於賓西南俱東面牽馬者以馬陳於賓東南北首西上相者入告遂詣主人之左北面受命出對賓前西面曰敢請事實曰某敢賵相者入告出曰孤某須矣賓之從者坐奠篚取幣西詣賓前西面以授賓退復位相者引賓入牽馬先以

馬入陳於輜車南北首西上六品以下賓入由馬西
當輜車東南北面立內外權止哭賓曰其諡封若某
位將歸幽宅敢致貶辭異而哭內外皆哭主人拜稽
顙賓止哭相者引賓進輜車東西面奠幣於車上相
者引賓又由輜車前以西而出初賓出掌事者由主
人右詣輜車東西面舉幣以東東藏之也受馬者由前旋
牽馬者後適其右受之牽者由前以西而出賓將出
主人拜稽顙送之

塋夕

前一日之夕掌事者先於墓門內道西張帷幕設靈
座如初

到墓

乘車者卑行見墳而下尊及塋而下序哭靈車至帷
門外廻車南向祝以腰輿詣靈車後少頃入詣靈座
前少頃以輿降出遂設酒脯之奠如初輜車至壙前
廻南向丈夫婦人之位如遺奠之儀

陳明器

掌事者陳明器於壙東南西向北上

下柩哭序

進輜車四品以下於柩車之後張帷下柩於輜丈夫柩
東婦人柩西以次進憑柩哭盡哀各退復位內外卑
者再拜辭訣相者引主人以下哭於羨道東西面北

上妻及女子子以下婦人皆幃以行帷哭於羨道西
東面北上

入墓

施席於壙戶內之西四品以下遂下於壙空執紼者屬紼於輶
六品以下遂下柩於壙戶內席上北首覆以夷衾

墓中祭器序

輶出四品以上無輶車但有持持妻者入倚妻於壙兩廂遂以
下帳張於柩東南面米酒脯陳於下帳東北食盤設
於下帳前苞牲置於四隅醢醢陳於食盤之南籍以
版明器設於壙內之左右

掩壙

掌事者以玄纁授主人主人授祝祝奉以入奠於靈
座主人拜稽顙銘旌誌石於壙門之內置設訖掩戶
設關鑰遂復土三主人以下稽顙哭盡哀俱就靈所
哭掌儀者設祭后土於墓左如後儀

祭后土

先於墓左除地爲祭所柩車到祝吉服舖后土氏神
席北方南向設酒罇於神座東南北向設洗於酒罇
東南北向壘水在洗東篚在洗西南肆以巾爵於篚
既復土告者吉服國官僚佐之長若無者親賓克也相者引告者與
祝及執罇壘篚者俱立於壘洗東南重行西面以北
爲首立定俱再拜祝與執罇壘篚者俱就罇壘篚之

後相者進告者之左北面曰請事掌饌者以饌入祝
迎引設於神座前置設訖掌饌者出相者引告者詣
壘洗盥手洗爵相者引告者詣酒罇所執罇者舉罇
告者酌酒進跪奠於神座前俛伏興少退北向立祝
持版進於神座之右東面跪讀祝文曰維年月朔日
子某官姓名敢昭告于后土之神某官封謚寔茲幽
宅神其保佑俾無後艱謹以犧齊粢盛庶品明薦于
后土之神尚饗訖興告者再拜祝進跪奠版於神座
興還罇所相者引告者退復位再拜相者引告者出
祝以下俱復位再拜徹饌席以出

及哭

既下於壙槌一鼓為一嚴無鼓者量掩墓戶槌二鼓
為再嚴內外就靈所槌三鼓為三嚴徹酒脯之奠進
靈車於帷外陳布儀衛六品以下無陳布儀如來儀及進腰輿
入詣靈座前少頃出詣靈車後少頃輿退靈車發行
內外從哭如初儀出墓門尊者乘車馬去墓百步
許卑者乘馬以哭從靈車到第內外皆下車馬靈車
入至西階前廻尙向祝以腰輿詣靈車後少頃升入
詣靈座前主人以下從升立於靈座東西面南上少
頃腰輿降出內外俱升諸祖父以下哭於帷東北壁
下南面西上妻及女子子以下婦人哭於靈西東面
南上諸祖母以下哭於帷西北壁下南面東上外姻

哭於南廂丈夫於帷東北面西上婦人於帷西北面
東上有親賓弔哭者升堂西向靈哭如常其弔於庭
者稱痛當奈何餘如常儀盡一哀相者引主人以下
降各還次沐浴以俟虞斬練者沐而不櫛
齊練者以下櫛

虞祭

柩既入壙國官若僚佐之長與祝六品以下無
國官以下同先歸

脩虞事牢饌如殷奠罍用鳥漆先造虞主以鳥漆匱

匱之盈於廂鳥漆跌一皆置於別所虞主用桑主皆
長一尺方四寸

上頂圓徑一寸八分四廂各刻一寸一分又上下四
方週孔徑九寸其匱底蓋俱方底自下而上蓋從上

而下與底齊其跌方一尺厚三寸將祭出神
主置於座其匱安於神主之後四品以下無具饌於

堂東靈輿將至掌事者先施靈座於寢堂室內戶西

東向於靈輿之南北設帷東出若室內則腰輿
設靈座於堂

將入祝奉虞主入置於靈座東向設素几於右自輿以

下四品無掌事者設洗於西階西南北向東西當西雷

六品以下南北以堂深壘水在洗西篚在洗東南肆篚

實爵一巾一加冪設瓦甒二於靈座之左北墉下醴

酒在東冪用絺加勺南柄既沐浴主人及諸子妻妾

女子子內外升詣靈所主人及諸子倚仗於室戶外

及應拜者哭於靈東西如初內外皆哭祝與執罍壘

篚者各就罍壘篚所立執饌者以饌入俱升自東階

陳設如殷奠之儀訖掌饌者降出相者引主人降自

西階詣壘洗主人止哭執壘洗者酌水主人盥手執

篚者取巾於篚與授主人主人拭手訖受巾奠於篚
又取爵與以授主人執壘洗者又酌水主人洗廢爵
爵無足者執篚者又授巾主人拭爵訖受巾奠於篚相者
引主人升自西階詣酒罇所執罇者舉幕主人酌醴相
者引主人進詣靈座前西向跪奠爵於饌前俛伏興
少退西向立祝以祝文進立於神座之右北面內外
皆止哭祝跪讀祝曰維年月朔日子孤子哀子某孫
哀孫此為母及祖母所稱也父祖則稱孤子孤孫敢昭告于考某官封諡則
云妣夫人某氏孫日月遄速奄及反虞叩地號天五
情糜潰謹以潔牲柔毛剛鬣明粢粢合薌其嘉蔬嘉
薦醴齊四品以下謹以潔牲剛鬣哀薦給事于考某

官封諡尚饗祝興主人哭再拜內外所哭者皆哭再
拜祝進跪奠版於靈座興出復位哭盡丞相者引上
人以下出杖降西階各就次妻妾女子子以下各還
別室祝闔戶與執錚壘者降出少頃祝與掌饌者入
開戶徹饌祝賁主四品以下無主闔戶以出掌事者埋重於
門外道左間日再虞後日三虞禮皆與初虞同又間
日為卒哭祭其虞祝辭再虞云哀薦虞事第三虞云
哀薦成事

卒哭祭

前一日之夕掌事者改廬翦屏柱楣塗廬不塗見面
塗廬裏不塗廬外翦蒲為席不緣以木為枕牢饌如虞祭其

日夙與祝入燭先升自阼階入於室祝整拂几筵啓
 匱出神主置於座以出昭路匱以下無掌事者設洗於
 西階西南北向東西當西當西六品以下南北以堂深
 壘水在洗西篚在洗東南肆篚實爵一巾一加幕設
 瓦甒二於靈座之左北牖下醴酒酒在東幕用絺加
 勺南柄掌事者具饌於堂東祝與執罇壘篚者先入
 立於罇壘篚之後緣服俱升主人及諸子孫倚仗於
 室戶外俱立於靈座東西南向上妻妾女子子立於
 靈座東西南向上內外各就位坐哭應拜掌饌者以
 饌升入置於靈座前相者引主人降自西階詣壘洗
 主人止哭盥手洗爵相者引主人升自西階入詣酒

罇所主人酌醴相者引主人進跪奠於靈座俛伏興
 少退西面立應拜者陪於後祝持版入立於靈座之
 南北面內外止哭祝跪讀祝文曰維年月朔日子哀
 子某敢昭告于考其官封謚妣云妣某夫人氏日月
 不居奄及卒哭追慕求往攀號無逮謹以潔牲柔毛
 剛鬣明粢薌合鄉其嘉疏嘉薦醴齊四品以下謹以
嘉薦普淖明齊淲酒餘同六品以下哀薦成事于考
 某官封謚尚饗主人以下哭再拜內外應拜者皆再
 拜哭祝興進跪奠版於靈座奠還罇所祝讀版訖興
同時相者引主人退復位哭盡哀內外各還次祝闔
 戶與執罇壘者降出少頃與掌饌者入開戶徹饌祝

跪主人闔戶以降自卒哭之後朝一哭夕一哭蔬食
飲水周而小祥

小祥祭

主人有司先制栗主并跌匱等如喪主之禮四品以下無

前一日之夕毀廬為室室設蒲席周喪室者除之

設地席陳練冠於次主人及諸子俱沐浴擗瓜翦牢

饌及噐如卒哭之禮其日夙興祝入燭先升自阼階

入於室四品以下唯祝整拂几筵以出祝於靈座之西更設喪主座

祝奉喪主置於座訖祝出迎栗主入置於舊靈祝開

匱奉出栗主置於靈訖設几於右乃出四品以下無奉主義掌

事者設壘洗篚於西階西南如初篚實爵一巾一加

幕設瓦甒二於靈座之左北牖下醴酒酒在東幕用

緇加勺南柄具饌於堂東祝與執罇壘篚者先入立

於罇壘篚之後內外縗服主人倚杖於階東俱升就

位應拜哭盡哀相者引降主人杖就次主婦人以下

各就次主人及諸子除首絰著練冠妻妾女子子除

腰絰周服者皆除之丈夫素服吉冠履婦人素服吉

履相者引主人及諸子倚杖如初內外俱升就位哭

掌饌者以饌升自東階入設於靈座前設訖降自西

階以出相者引主人降自西階詣壘洗主人止哭盥

手洗爵相者引主人升自西階入詣酒罇所酌醴進

跪奠於靈座前俛伏興少退西面立祝持版進立於

靈座之右北面內外皆止哭祝跪讀祝文曰維年月

朔日子哀子父沒稱孤子其敢昭告于考某官封謚姓云姓夫人某

氏歲月警追奄及小祥攀慕永遠重增屠裂謹以潔

牲彙毛剛鬣明粢薌合薌其嘉蔬嘉薦醴齊四品以下謹以

潔牲彙毛剛鬣嘉薦齊淖明齊漉酒餘同祗薦祥事于考某官封謚尚饗

主人哭再拜內外應拜者皆再拜哭祝與進跪奠版

於靈座前與還罇所主人哭拜與祝興奠版同時相者引主人就

位哭盡哀內外各還次主人依次立祝闔戶與執罇壘者

降出少頃祝與進饌者入開戶徹饌祝匱主闔戶以

降其喪主祝奉出埋之於廟門外之左四品以下但祝闔戶以降

無匱自小祥之後止朝夕之哭哭無時哀始食菜果至則哭

飯素食飲水漿無醢醢不能食鹽酪耳又周而大祥

大祥祭

前一日之夕除聖室帳帷入備內外受服謂之去各

於其次主人及諸子俱沐浴櫛瓜翦牢饌及器如小

祥之禮其日夙興內外各服其緣服並於次哭盡哀

除服者著除服訖又哭盡哀止昧爽前六品以下云夙興祝

入燭先自阼階入於室祝整紼靈筵啓匱出神主置

座右几筵以出四品以下唯祝整紼几筵以出掌事者設壘洗筐於

西階西南如初篚實爵一巾一加簣設瓦甒二於靈

座之左北牖下以醴酒在東寫用絺加勺南柄具饌

於堂東祝與執罇壘者先入位於罇壘之後內外俱

升祀位哭掌饌者以饌升自東階入置於座前置設
訖掌饌者降自西階以出相者引主人降自西階詣
壘洗主人止哭盥手洗爵相者引主人升自西階詣
酒罇所酌醴進跪奠於靈前俛伏興少退西面立祝
特版進立於之右北面內外皆止哭祝跪讀祝文曰
維年月朔日子哀子孤喪稱某敢昭告于某官封謚
妣云妣夫日月逾邁奄及大祥攀慕永遠無任荒踣
人某氏
謹以潔牲柔毛剛鬣明粢薌合薌蕝嘉蔬嘉薦醴齊
四品以下謹以潔牲柔毛剛鬣薦嘉薦普淖明齊淲酒餘同祇薦祥事于考某官封
謚尚饗主人哭再拜應拜者皆再拜哭祝興進跪奠
版於靈座興還罇所相者引主人就位哭盡哀主人

以下各還外寢妻妾女子子以下還於寢祝闔戶與
執罇壘者降出少頃掌饌者入開戶徹饌祝置玉四品
以下但掌事闔戶而出間月而禫自大祥之後外無
哭者食有醢醬

禫祭

前一日掌事者先備內外禫服各陳於別所主人及
諸子俱沐浴櫛瓜翦仍宿於外寢牢饌及噐如大祥
之禮其日夙興祝入燭先升紼几筵啓匱出神主置
於座四品以下唯掌事者設壘洗篚於東階東南如
常篚實爵一巾一加纂設瓦甒三於座之左北牖下
醴酒在東纂用絺加勺南柄具饌於堂東祝與執罇

壘篚者先入立於罇壘篚之後主人及諸子妻妾女

子子仍祥服為長子者內外俱升就位哭盡哀降釋

祥服應禫服者著禫服相者引主人以下俱升就位

哭掌饌者以饌入升設於座前訖執饌者出相者引

主人降自東階詣壘洗盥手洗爵相者引主人升自

東階詣酒罇所酌醴進跪奠於座前俛伏興少退西

面立祝持版進跪立於座之右北面內外皆止哭祝

跪讀祝文曰維年月朔日子孤子某敢昭告于考某

官封諡姓曰姓夫禫制有期追遠無及謹以潔牲柔

毛剛鬣明粢薌合鄉其嘉蔬嘉薦醴齊四品以下謹

剛鬣嘉普淖明齊浸酒餘同祗薦禫事于考某官封諡尚饗主人

哭再拜應拜者再拜內外皆哭祝興跪進奠版於座

興還罇所相者引主人以下出降自東階還寢內相

者內引妻妾女子子以下降自西階側還於寢祝闔

戶與執罇壘者降出少頃掌饌者入開戶徹饌以出

祝置神主闔戶以降祔廟如別儀自禫之後內無哭

者始飲醴酒食乾肉

附廟六品以下云祔祭將祔卜日如常儀四品以下筮日如常儀

將柎掌事者先於始祖廟室內西壁下為塋室四品

無此前三日主人及亞獻終獻及諸執事者俱散齋

二日致齋一日前一日掌事者清掃室之內外其廟

應遞遷者皆出神主置於座四品以下但遞遷者主設座無神主下同

人以酒脯告遷訖遂移牀幄以次遷神主置於幄座

又奠酒脯醢以安神少頃掌饌以出掌廟者以次置

神主納於堵室訖六品以下但前一日掌事者清掃

曾祖之座於正寢又設考之柩座於曾祖室內東壁

下西向右几附則柩皆據孝子之言於亡者祖及祖姑

也附於曾祖則曾祖姑配有祀於尊可以及早者六

同設主人位於東階東南南向設子孫位於南門內

道東北面西上設亞獻終獻位於主人東南設掌事

以下位於終獻東南俱西面北上亞獻終獻以國官

設贊唱者位於主人西南西面設酒罇於堂上室戶

之東南北向西上設洗於阼階東南北向東西當東

霽六品以下南北以堂深壘水在洗東篚在洗西南

肆篚實爵三巾三加冪其爵數每廟三附日內外夙興掌饌

者先具少牢之饌二座各俎三簋二六品以下其持

二俎一簋餘同簋二鉶二酒罇二其二罇一實玄酒為上一

實清酒次之上罇加玄其邊豆一品者各十二三品

各八四品五品各六主人及行事者各服祭服掌事

者具腰輿掌廟主開神主置於座降出曾祖妣神主

神妣則出曾祖執罇壘篚者入就位四品以下則主

位又諸婦人停於門外門以行帷俟祭訖而還六品

內外俱就靈室所祝進座前西面告白以今吉辰奉

還神主于廟執輿者以輿升入進輿於座前祝納神

主於匱置於輿祝仍扶於左若耐妣則闈寺之屬扶於右降自西階子孫內外陪從於後至廟門諸婦人停於門外周以行帷俟祭訖而遷神主入自南門升自西階入於堂諸子孫從升立於室戶西重行東面以北為上行事者從入各就位輿詣室前迴輿西向祝啓匱出神主於座輿降立於西階下東向相者引主人以下降自東階各就位自內外各就靈室以下無祝立定贊唱者曰再拜在位者皆再拜引饌者引饌入升自東階入於室各於神座前施設訖掌饌以下降出相者引主人詣壘洗手洗爵升自東階詣酒罇所執罇者舉罇主人酌酒斟相者引主人入室進北面跪奠躡於曾

祖神座前俛伏興相者引主人出詣酒罇所取爵酌酒入室進東向跪奠於祖神座前俛伏興出戶北面立羣祖考皆如之祝持版進於室戶外之右東向跪讀祝文曰維年月朔日子孝曾孫某官封敢昭告于曾祖某官封謚若無官封但云曾祖之靈母云祖某官封謚若耐母則云祖妣某氏以下考某官封謚若耐母云無官封者但云考妣之靈考某官封謚若耐母云父在不可逝遷祖妣先妣宜於廟東某罪積不滅歲及免喪先主制禮練主入耐宗廟上遷昭穆繼序是用適于皇考封謚以遷王考封謚祭耐孫某封謚無遷于祖躡耐孫婦若母同耐則云適遷于祖妣夫人某氏以躡耐孫婦某氏謹以潔牲剛鬣嘉薦普淖明齊

渡酒祗薦于曾祖某官封謚曾祖妣某氏配祖某官
封謚祖妣某氏配考某官封謚若耐母則云曾祖尚
饗與主人再拜祝進入奠版於曾祖神座與還罇所
相者引主人出降還本位初主獻將畢相者引亞獻
詣壘洗盥手洗爵升詣酒罇酌酒入進北面跪奠
於曾祖座前俛伏興相者引亞獻詣酒罇所取爵酌
酒入進東面跪奠於祖神座考亦俛伏興出戶北面
再拜訖又入室立於壁下東面再拜相者引出降復
位亞獻將畢相者引終獻詣壘洗盥手升酌終獻如
亞獻之儀訖相者引終獻降復位祝入徹豆邊罇所
贊唱曰再拜在位者皆再拜相者引主人出又相者

引在位子孫以下出掌饌者入徹饌以出掌廟者與
祝閣寺者納曾祖神主於塋室出又以腰輿升詣考
神座前祝納主於置置於輿詣考廟出神主置於座
進酒脯之奠於前少頃徹之祝納神主於塋室自掌廟者
以下六品齊縗三年其虞卒哭祥禫變除之節與斬
以下無縗同父在爲母爲妻當二祥及禫日月之期雖異其
儀節則同周服以下變除依其月算各以其日之晨
備縗服升就位哭盡哀降詣別室釋縗服著諸服又
就位哭盡哀出就別室終日異門者至夕各還其家

杜氏通典卷第一百二十九終

杜氏通典卷第一百四十

禮一百 凶七 纂類三十五 大唐開元禮三十五

三品以下喪下 四品以下 至庶人附

改葬

卜宅 啓請 開墳 舉柩

奠 升柩車 歛 奠

設靈 進引 告遷 哭柩車位

設遣奠 輜車發 宿止 到墓

虞祭

王公以下居喪雜制

舉哀 奔喪 三殤 初喪聚主